



Broj: 01/14-11-7019-4/23  
Sarajevo, 08.12.2023. godine

Na osnovu člana 70. stav (1) Zakona o javnim nabavkama BiH ("Službeni glasnik BiH", br. 39/14 i 59/22), a u vezi sa članom 79. Statuta Grada Sarajeva ("Službene novine Kantona Sarajevo", broj 7/23), gradonačelnica Grada Sarajeva, donosi

## **O D L U K U**

### **o izboru najpovoljnijeg ponuđača putem Otvorenog postupka**

#### **I**

Prihvata se ponuda ponuđača „NEIMARI“ d.o.o. Sarajevo, Pijačna br. 70, Sarajevo, Ilidža, za: **Izvođenje radova tekućeg održavanja obnove fasade na nacionalnom spomeniku „Gospodicina kuća“ u Sarajevu** sa ponuđenom cijenom od 477.355,23 KM bez PDV-a, u postupku provođenja javne nabavke putem Otvorenog postupka.

#### **II**

Sa ponuđačem „NEIMARI“ d.o.o. Sarajevo, Pijačna br. 70, Sarajevo, Ilidža, zaključit će se Ugovor o izvođenju radova iz tačke I ove odluke.

#### **III**

Ova odluka stupa na snagu danom donošenja.

#### **Obrazloženje:**

Odlukom broj: 01/14-11-7019-2/23 od 06.11.2023. godine pokrenut je postupak javne nabavke za: Izvođenje radova tekućeg održavanja obnove fasade na nacionalnom spomeniku „Gospodicina kuća“ u Sarajevu, putem Otvorenog postupka.

Obavještenje o nabavci objavljeno je na portalu Agencije za javne nabavke broj: 1278-1-3-165-3-90/23 dana 09.11.2023. godine. Sa portala Agencije za javne nabavke tendersku dokumentaciju je preuzelo 9 ponuđača, a sažetak obavještenja o nabavci objavljen je u Službenom glasniku BiH broj: 79/23 od 17.11.2023. godine.

U određenom roku za dostavljanje ponuda na protokol ugovornog organa zaprimljene su dvije ponude i to: "KOTO" d.o.o. Beograd, Vojvode Stepe 466 Beograd, Republika Srbija i „NEIMARI“ d.o.o. Sarajevo, Pijačna br. 70, Sarajevo, Ilidža.

Komisija za javnu nabavku imenovana Rješenjem Gradonačelnice broj: 01/14-30-6322-1/23 od 19.09.2023. godine, na sastanku održanom dana 01.12.2023. godine pristupila je otvaranju zaprimljenih ponuda.

Nakon otvaranja ponuda, izvršena je detaljna analiza istih, gdje je utvrđeno da ponuda ponuđača "KOTO" d.o.o. Beograd, Vojvode Stepe 466 Beograd, Republika Srbija, nije prihvatljiva za ugovorni organ jer je dostavio ponudu za predmetnu nabavku, a sa portala Agencije za javne nabavke tendersku dokumentaciju je preuzelo drugo pravno lice pod nazivom "KOTO" d.o.o. Banja Luka i samim tim



nije ispunjen uslov neophodan za dalji slijed postupka - učestvovanje na e-aukciji, na kojoj učestvuje ponuđač koji je preuzeo tendersku dokumentaciju sa portala Agencije za javne nabavke, u ovom slučaju je to "KOTO" d.o.o. Banja Luka, a ponuđač "KOTO" d.o.o. Beograd koji je dostavio ponudu u istoj nije priložio eventualni ugovor o konzorciju sa pravnim licem "KOTO" d.o.o. Banja Luka, što bi predstavljalo olakšicu kada je u pitanju iduća faza postupka javne nabavke, a to je e-aukcija čije je provođenje ugovorni organ predvidio u tenderskoj dokumentaciji.

Ponuda ponuđača „NEIMARI“ d.o.o. Sarajevo, Pijačna br. 70, Sarajevo, Ilidža, je prihvatljiva za ugovorni organ jer je isti dostavio ponudu u skladu sa zahtjevima ugovornog organa, odnosno u skladu sa tenderskom dokumentacijom sa cijenom u iznosu od: 477.355,23 KM bez PDV-a, odnosno 558.505,62 KM sa uključenim PDV-om.

Obavještenjem o nabavci kao i tenderskom dokumentacijom u ovom postupku javne nabavke, ugovorni organ je predvidio provođenje e-aukcije putem portala Agencije za javnu nabavku, međutim uzimajući u obzir da je samo ponuda ponuđača „NEIMARI“ d.o.o. Sarajevo prihvatljiva za ugovorni organ, e-aukcija se nije ni provodila.

Komisija za javnu nabavku sačinila je zapisnik o pregledu i ocjeni ponuda od 08.12.2023. godine, te je dala preporuku gradonačelnici da se ugovor za: Izvođenje radova tekućeg održavanja obnove fasade na nacionalnom spomeniku „Gospođicina kuća“ u Sarajevu, dodjeli ponuđaču „NEIMARI“ d.o.o. Sarajevo, Pijačna br. 70, Sarajevo, Ilidža, koji je dostavio prihvatljivu ponudu koja ispunjava uslove popisane tenderskom dokumentacijom, sa ponuđenom cijenom od: 477.355,23 KM bez PDV-a, odnosno 558.505,62 KM sa uključenim PDV-om.

**Izabrani ponuđač je u obavezi da ugovornom organu dostavi u roku od 5 (pet) dana, od dana obavještenja da je izabran kao najpovoljniji ponuđač, ostalu dokumentaciju koja je propisana tenderskom dokumentacijom.**

U postupku donošenja odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispijelih ponuda, u skladu sa kriterijima iz tenderske dokumentacije. U postupku ocjene provedenog postupka Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije Gradonačelnica Grada Sarajeva donosi ovu odluku.

#### **POUKA O PRAVNOM LIJEKU:**

Ponuđači koji su učestvovali u postupku javne nabavke mogu radi zaštite svojih prava i pravnih interesa u roku od 10 (deset) dana od prijema obavijesti (odluke) o izboru najpovoljnijeg ponuđača izjaviti žalbu Uredu za razmatranje žalbi putem ugovornog organa u dovoljnom broju primjeraka.

Dostaviti:

**Gradonačelnica Grada Sarajeva**

-ponuđačima

**Prof. dr. Benjamina Karić**

- a/a

**Obradio:** Nermina Šehović- Sulimanovski

Šef odjeljenja za javne nabavke: Suada Kovačević

Rukovodilac Stručne službe za poslove kabineta i poslove Gradske uprave: Dženana Šarčević